

Songtexte von Florian Burkhardt

(chronologische Reihenfolge)

[Website](#) | [Songs streamen oder herunterladen](#)

Metamorphose

September 2020

1. Strophe

Wenn'd lang
onderwägs besch
wotsch velecht
mol nöimed acho
Worzle schloh
om gnueg Halt zha
wenn de Storm chond

Refrain

Vo de Raupe zom Schmättlerling
isch's a lange Wäg
Du fresisch di satt
denn verpoppsch di

Es fendet Grosses statt
es beldet sech Flögel
damet nöm omechrüche mosch
sondern flüge chasch

2. Strophe

Veli blibed Raupe
well si ned chönd
ufhöre zfrässe
Aber wenn'd acho magsch
om Worzle zschloh
ond verdaue wotsch
chasch di entfalte

We de Fochs

September 2020

1. Strophe

Wenn'd gliebt wotsch wärde
Vertraue suechsch
muesch di welle öffne
muesch di zeige

Us em Schotz cho
sechtbar wärde
ond zueloh chöne
verletzlech zwärde

Refrain

We de Fochs us em chline Prenz
wo zämt wott wärde
damet er hendrem Baum
cha vöre cho

Wenn d'Angscht chasch überwende
offe besch för dä Prozäss
chasch ändli d'Höhli verloh
ond de Liebi entgäge go

2. Strophe

Fended öper
Zuegang zo der
met gnueg Gedold
bes chasch vertraue

ond gschpört Erföllig
scho nor im Warte
öper wo Fröid hed
wenn'd nöcher chonsch

Jedi Zit brucht sini Helde

Juli 2020

1. Strophe

Esch es werklech nötig
dass' mer alles kommentiered
emmer bewärted, usschlüssed
ond instrumentalisiert?

We sett öper öpis gseh,
wenn er nöimed andersch härelueged?
Wie wotsch öperem öpis erkläre,
wenn's en gar ned interessiert?

Refrain

Jedi Zit
brucht sini Helde
D'Ändlechkeit vom einzelne
esch d'Verussetzig för Wachstom

Jungs werd alt
ond Neus wachst noch
d'Fröhd vo höt
send de Humus vo morn

2. Strophe

Es esch doch gar ned schlemm
wenn d'hin ond weder
d'Idee ond Wönsch vo de andere
ned verstosch

Anderi Prägige ond Gschechte
nüd hed weniger Wärt
ond weniger Berächtigung
als das vo de andere

Wenn alles wäg esch

Juli 2020

1. Strophe

Weisch no
wo d'jong gseh besch
ond s'Gfühl gha hesch
dass mendischtens en König besch

Wo's klar gseh esch
dass s'Läbe es Büffe esch
du's Rächt druf hesch
dass emmer im Zentrom besch

Refrain

Ond plötzlech
besch ganz elei
well's emmer nor
om dech gange esch
ond das för dis Omfäld
öber längeri Zit
ned verbendend ond ned nährend esch

Was besch denn no
wenn alles wäg esch
wo di gnährt ond gfördered hed
wo gmacht hed was du wotsch
aber ebe nor of Zit
ond di Zit isch verbi
jetzt mosch sälber öppis si

2. Strophe

Du hesch velecht dänkt
dass d'Wält en Supermärt esch
wo jederzit chasch hole
of was grad Loscht hesch

Du hesch's verlangt
s'ganz grosse Glöck
dass alles so si mues
dass es för dech passend esch

Verlür di ned

Juli 2020

1. Strophe

Ech mache Tör zue
wäg met all dem Lärm
dem ganze Schall ond Hall
wo so vel Ufmerksamkeit brucht

S'Lütischt hed gwonne
scho möched alli met
morn isch's scho öpis anders
wäg all dem Lärm ghöri nüd

Refrain

Verlür di ned
werd ned taub ond stomm ond blend
i all dem Lärm
vo dene Stemme wo ned dini send

Dominanz isch kei Toleranz
Wer im Kampf esch, esch ned im Frede
Alles hed zwöi Site, nüd isch heilig
es get kei Tüfel, nor de Mensch

2. Strophe

S'Läbe isch keis Konzept
Went nöimed andersch stosch, gsets total andersch us
S'Wösse vo höt
isch morn scho überholt

Es ged Milliarde vo Mensche
ond mer ond grad du
hend s'Gfühl en Ahnig zha
was d'Wohrheit isch, om was es goht

Schrib dini Gschecht

Juli 2020

1. Strophe

Guete Morge
altbekannts Gsecht
das ben ich
met minere Gschecht

Bes ned trurig
isch verbi, was gse esch
fröi di of höt
fröi di of morn

Refrain

Verges ned
du besch de Held i dinere Gschecht
ond kei Gschecht isch spannend
wenn's emmer rosa esch

D'Wält wott
dass ned ufgesch
au wenn's mol
grad ned so schön esch

2. Strophe

S'Läbe isch es Buech
s'Läbe isch en Felm
Szene om Szene
Kapitel om Kapitel

Schrib dini Gschecht
emmer schön witer
Trei witer
a dim eigene Felm

Lueg üs mol a

(Juni 2020)

Intro

Ah
höt isch weder so en Tag
woni einfach gar nöm mag
ech be randvoll
bruch e Nöistart

1. Strophe

Ech setze chli ufs Sofa
ond es werd mehr klar
dasi emmer noni weiss
was de Senn vom Läbe isch

Refrain

Loeg üs mol a
met allne üse Narbe
semer ned schön
genau so wemer send

2. Strophe

Mer send doch am Läbe
hend scho vel gseh
hend Fröidegömp gmacht
alli Sorge überläbt

Ned me als i be

(Juni 2020)

1. Strophe

Ech setz i mim Zemmer
ech setz im Cafi
allei am ene Teschli
met em Computer

Ech weiss nöm was i wot
ech weiss nöm wer i be
be doch nur noh
en Typ am Computer

Refrain

Ech wär so gärn
weder en Mensch
ond nor en Mensch
ond ned no meh

Ech wär so gärn
nor eifach mich
ganz ohni PC
ganz ohni PC

2. Strophe

Ech sät mol use
chli go laufe
ond Frönde träffe
ganz ohni Computer

Chli offline go
z'versuche z'verstoh
wer i chönt si
ond was i wott

© Florian Burkhardt

<https://www.florianburkhardt.ch>